



Universiteit van Pretoria Jaarboek 2017

MEd Opvoedkundige Sielkunde (Gedoseer) (09250203)

Duur van studie 2 jaar

Totale krediete 240

Programinligting

Die sluitingsdatum vir die program is 31 Julie en keuring vind plaas in Augustus. Die program sluit praktiese werk in. Dit voldoen aan die vereistes wat gestel word vir registrasie as Opvoedkundige Sielkundige by die Raad vir Gesondheidsberoep van Suid-Afrika, na voltooiing van 'n internskap in Opvoedkundige Sielkunde aan 'n inrigting wat deur die genoemde Raad vir die doel goedgekeur is. Die Universiteit staan onder geen verpligting teenoor studente om internskappe te voorsien of te reël nie.

Studente word voorwaardelik gekeur tydens die formele keuring wat plaasvind in Augustus. Bekragtiging van keuring vind plaas in die daaropvolgende Junie van elke jaar. Die Departement van Opvoedkundige Sielkunde behou derhalwe die reg om 'n student se toelating tot die program te heroorweeg gedurende die eerste ses maande van studie, gebaseer op gedemonstreerde opleidings- en beroepsgerigte vermoëns.

Toelatingsvereistes

Behoudens die bepalings van Algemene Regulasie G.30 tot G.62 kan 'n kandidaat toegelaat word indien hy/sy voldoen aan die volgende vereistes:

- 'n BEdHons-graad BEd (Nagraads); of
- 'n toepaslike honneursgraad en 'n onderwysdiploma; en
- 'n gemiddelde van 60% in die honneurs- of verwante eksamen behaal het.

Die Senaat kan:

- 'n gegradueerde van 'n ander universiteit (hetsy in Suid-Afrika of elders) tot 'n status aan die Universiteit toelaat wat gelykstaande is aan die status wat hy of sy aan so 'n ander universiteit geniet;
- 'n persoon wat aan 'n ander universiteit of inrigting (hetsy in Suid-Afrika of elders) geslaag het in eksamens wat na die oordeel van die Senaat gelykwaardig is aan of hoër is as die eksamens wat voorgeskryf is vir 'n graad aan die Universiteit wat 'n voorvereiste is vir toelating tot 'n bepaalde nagraadse studieprogram of vir die toelating van so 'n persoon as navorsingstudent; of
- op 'n ander wyse 'n standaard van bekwaamheid bereik het wat na die oordeel van die Senaat vir die doeleindes van nagraadse studie of navorsing aan die Universiteit toereikend is as student vir 'n nagraadse graad of sertifikaat toelaat.

Addisionele Toelatingsvereistes

- Opvoedkunde III
- Sielkunde III
- BEdHons-graad in Opvoedkundige Sielkunde/



- BPsych-graad/Honneursgraad in Sielkunde

Addisionele vereistes

Alle aansoeke is onderworpe aan keuring.

Die keuring is gebaseer op:

- Voldoening aan die minimum toelatingsvereistes;
- Vorige akademiese prestasies;
- Toepaslike akademiese en/of onderwyservaring;
- Beskikbaarheid van leiding vir die voorgewekte navorsingsprojek;
- Bewese akademiese potensiaal, wat akademiese kommunikasie en rekenaarvaardighede insluit;
- 'n Onderhoud kan ook addisioneel vereis word;
- Die registrasie by professionele rade;
- Finale diskresie lê by die Departementshoof.

Ander programspesifieke inligting

- Hernuwing van registrasie na die tweejaartydperk word slegs onder buiten-gewone omstandighede toegelaat, in welke geval die departementshoof goedkeuring mag verleen vir 'n vasgestelde beperkte verlenging van die tydperk, volgens die vasgestelde prosedures.
- Studente word twee geleenthede gebied om NMQ 800 te slaag. Onsuksesvolle kandidate sal nie toegelaat word om met die program voort te gaan nie;
- Hierdie vereiste is van toepassing op beide die gedoseerde sowel as die suiwer navorsingsmagistergrade.

Navorsing

Alle magisterstudente moet 'n verhandeling of 'n miniverhandeling indien, en moet Navorsingsvoorstel (NMQ 800) slaag. Vir die MEd-graad met verhandeling, moet studente 'n verhandeling wat handel oor 'n onderwerp wat deur die Dekaan op aanbeveling van die Departementshoof goedgekeur is, voorlê nadat 'n volledige navorsingsvoorstel goedgekeur is. 'n Literatuurstudie is nie aanvaarbaar nie.

- Een publiseerbare artikel gebaseer op die navorsing wat die student vir die verhandeling of miniverhandeling gedoen het en wat deur die leier goedgekeur is, moet ingedien word. Die toekening van die graad is onderhewig aan die nakoming van hierdie vereiste. Die artikel moet voor 15 Februarie vir die Herfspromosieplegtighede en voor 15 Julie vir die Lentepromosieplegtighede by die Studenteadministrasie ingedien word.
- Benewens die eksemplare van die verhandeling waarna hierbo verwys word, moet elke suksesvolle student een gebinde papiereksemplaar en twee elektroniese kopieë van die goedgekeurde miniverhandeling/verhandeling by die Hoof: Studenteadministrasie indien in die formaat soos deur die fakulteit gespesifiseer en in ooreenstemming met die minimum spesifikasies wat deur die Departement Biblioteekdienste gestel is, voor 15 Februarie vir die Herfspromosieplegtighede en voor 15 Julie vir die Lentepromosieplegtighede by gebreke waarvan die graad eers by 'n daaropvolgende reeks plegtighede toegeken sal word. Die spesifikasie is beskikbaar by:
- <http://upetd.up.ac.za/authors/publish/standards.htm#specs>).
- Alle studente moet tydens die eerste jaar van registrasie 'n navorsingsvoorstel indien en suksesvol verdedig voor 'n eksamineringspaneel wat deur die Dekaan, in oorleg met die betrokke Departementshoof, Studieleier



en Navorsingskoördineerder aangewys word, alvorens daar met die navorsing 'n aanvang geneem kan word.

- Studente moet by die departementshoof en Etiekkomitee om etiese klaring aansoek doen en slegs met veldwerk begin wanneer die aansoek om etiese klaring deur die Etiekkomitee goedgekeur is.
- Studente moet jaarliks 'n vorderingsverslag oor die navorsing aan die studieleier voorlê. Voortgesette herregistrasie is onderworpe aan bevredigende jaarlikse vordering.
- Alle studente moet die navorsingsontwikkelingsessies oor kwantitatiewe en kwalitatiewe navorsing op meestersvlak bywoon.

Slaag met lof

Die gedoseerde MEd-graad word met lof toegeken aan 'n student wat 75% vir die miniverhandeling sowel as 'n gemiddelde van 75% in die res van die modules behaal het.



Kurrikulum: Jaar 1

Minimum krediete: 240

Al die Kern modules, NMQ 800 (Navorsingsvoorstel) en een van die miniverhandelinge (BOP, ODK, OPG or OUB 895) moet gekies word in die 1ste jaar. Wanneer die "Navorsingsvoorstel" geslaag is in die 1ste jaar, moet net die "miniverhandeling" weer gekies word in die finale jaar. Studente word twee geleenthede gebied om NMQ 800 te slaag.

Fundamentele modules

Navorsingsvoorstel 800 (NMQ 800) - Krediete: 30.00

Kernmodules

Gesinsgeoriënteerde intervensie 804 (OUB 804) - Krediete: 15.00

Assessering vir leer en ontwikkeling 874 (ODD 874) - Krediete: 15.00

Ortopedagogiek 804 (OPG 804) - Krediete: 15.00

Ortodidaktiese hulpverlening 874 (ODH 874) - Krediete: 15.00

Beroepsoriënteringspedagogiek 804 (BOP 804) - Krediete: 15.00

Opvoedkundigesielkundige praktyk 800 (OPR 800) - Krediete: 15.00

Keusemodules

Miniverhandeling 895 (OPG 895) - Krediete: 120.00

Miniverhandeling 895 (OUB 895) - Krediete: 120.00

Miniverhandeling 895 (ODK 895) - Krediete: 120.00

Miniverhandeling 895 (BOP 895) - Krediete: 120.00



Kurrikulum: Finale jaar

Minimum krediete: 240

Al die Kern modules, NMQ 800 (Navorsingsvoorstel) en een van die miniverhandelinge (BOP, ODK, OPG or OUB 895) moet gekies word in die 1ste jaar. Wanneer die "Navorsingsvoorstel" geslaag is in die 1ste jaar, moet net die "miniverhandeling" weer gekies word in die finale jaar. Studente word twee geleentede gebied om NMQ 800 te slaag.

Fundamentele modules

Navorsingsvoorstel 800 (NMQ 800) - Krediete: 30.00

Kernmodules

Beroepsoriënteringspedagogiek 804 (BOP 804) - Krediete: 15.00

Ortodidaktiese hulpverlening 874 (ODH 874) - Krediete: 15.00

Ortopedagogiek 804 (OPG 804) - Krediete: 15.00

Gesinsgeoriënteerde intervensie 804 (OUB 804) - Krediete: 15.00

Assessering vir leer en ontwikkeling 874 (ODD 874) - Krediete: 15.00

Opvoedkundigesielkundige praktyk 800 (OPR 800) - Krediete: 15.00

Keusemodules

Miniverhandeling 895 (BOP 895) - Krediete: 120.00

Miniverhandeling 895 (ODK 895) - Krediete: 120.00

Miniverhandeling 895 (OUB 895) - Krediete: 120.00

Miniverhandeling 895 (OPG 895) - Krediete: 120.00

Die inligting wat hier verskyn, is onderhewig aan verandering en kan na die publikasie van hierdie inligting gewysig word.. Die [Algemene Regulasies \(G Regulasies\)](#) is op alle fakulteite van die Universiteit van Pretoria van toepassing. Dit word vereis dat elke student volkome vertrou met hierdie regulasies sowel as met die inligting vervat in die [Algemene Reëls](#) sal wees. Onkunde betreffende hierdie regulasies en reëls sal nie as 'n verskoning by oortreding daarvan aangebied kan word nie.